

**ACTA DA SESIÓN EXTRAORDINARIA DA XUNTA DE GOBIERNO LOCAL CELEBRADA
O DÍA 09 DE AGOSTO DE 2016.**

Na Casa do Concello de Silleda, sendo as **TRECE HORAS** do día **NOVE de AGOSTO de DOUS MIL DAZASEIS**, baixo a Presidencia do Sr. Alcalde **MANUEL CUIÑA FERNÁNDEZ**, reúñese a Xunta de Goberno Local, coa asistencia do tenente de Alcalde **KLAUS BREY MONTAÑA** e os concelleiros **ANA LUISA GONZALEZ COSTA, JESÚS TABOADA LAZARA**. Asiste igualmente a concelleira **PILAR PEÓN IGLESIAS**.

Non asiste: **MARIA JOSE FERNANDEZ RODRIGUEZ**

Secretario da Corporación: **MANUEL QUINTÁNS QUEIRUGA**, que da fe.

Aberta a sesión se adoptan os acordos seguintes:

- 1º.- BOLSAS PARA O TRANSPORTE UNIVERSITARIO DE ESTUDANTES DE CICLOS FORMATIVOS PARA O CURSO 2016-17**
- 2º.- AXUDAS COMPLEMENTARIAS PARA LIBROS DE TEXTO E MATERIAL ESCOLAR. CURSO 2016-2017**

- 1º.- BOLSAS PARA O TRANSPORTE UNIVERSITARIO DE ESTUDANTES DE CICLOS FORMATIVOS PARA O CURSO 2016-17**

Á vista das bases polas que se regula a convocatoria de axudas para o transporte universitario e estudantes de ciclos formativos para o curso 2016-17, elaboradas na Concellería de Benestar, Igualdade, Ensino e Sanidade e sen que pola Intervención municipal se formulen reparos ou observacións, a Xunta de Goberno Local, ao abeiro das atribucións delegadas polo Alcalde na resolución do 15 de xuño de 2015, pola unanimidade dos seus membros presentes, ACORDA aprobar as referidas bases e abrir o procedemento de solicitude e concesión das devanditas bolsas.

Transcríbense:

BASES POLAS QUE SE REGULA A CONVOCATORIA DE AXUDAS PARA O TRANSPORTE UNIVERSITARIO E ESTUDANTES DE CICLOS FORMATIVOS DURANTE O CURSO ESCOLAR 2016-17

O Concello de Silleda coñecedor da realidade actual de moitas familias do municipio e consciente da necesidade de garantir a igualdade de acceso ás ensinanzas universitarias, independentemente do lugar onde se resida e co ánimo de minorar o impacto que tales gastos supoñen na economía doméstica, establece as presentes bases que regulan a convocatoria de axudas ao transporte para estudantes universitarios e de ciclos formativos que cursen estudos oficiais en algún dos Campus e/ou Institucións da nosa Comunidade Autónoma.

PRIMEIRA.- Obxecto

O obxecto das presentes *Bases* é concesión de axudas para reducir os gastos dos alumnos e alumnas empadroados, alomenos un ano antes da publicación destas bases, no Concello de Silleda que cursen estudos universitarios ou ciclos formativos oficiais na nosa Comunidade Autónoma.

SEGUNDA:- O procedemento para a concesión das axudas ao transporte universitario para o curso escolar 2016-17, rexerase polo disposto nas presentes bases e no que non estea previsto nas mesmas estarase ao disposto na lei 38/2003, de 17 de novembro, Xeral de Subvencións, polo RD 887/2006, de 21 de xullo polo que se aproba o regulamento da referida Lei, pola Lei 9/2007, do 13 de xuño, de subvencións de Galicia así como pola Lei 30/1992 de 26 de novembro de Régime Xurídico das Administracións Públicas e do Procedemento Administrativo Común e demais normativa vixente de xeral aplicación

TERCEIRA: Importe máximo da axuda

O importe máximo a retribuir aboaranse con cargo á aplicación orzamentaria 326.48 destinada a tal fin dos vixentes orzamentos do Concello de Silleda, por un importe suficiente para atender as obrigas derivadas destas bases.

O importe máximo da subvención por beneficiario será de 450€.

CUARTA.- Beneficiarios/as das axudas

Serán beneficiarios/as aquelas persoas que cumplan os requisitos seguintes:

1.- Estudantes residentes e empadroadas no municipio de Silleda, polo menos un ano antes da publicación das presentes bases, que cursen estudos universitarios ou ciclos formativos oficiais na Comunidade Autónoma de Galicia.

2. Non estar incuso nas prohibicións para obter a condición de beneficiario, recollidas no artigo 10 da Lei 9/2007, do 13 de xuño, de subvencións de Galicia.

3.- Renda Familiar

Ter unha renda per cápita familiar igual ou inferior a 10.000 euros. Para a determinación da renda per cápita familiar terase en conta o disposto no punto seguinte das presentes bases.

4.- Cálculo da renda familiar. Obterase por agregación das rendas de cada un dos membros computables que obtiveran ingresos de calquera natureza de conformidade coa normativa que regula o imposto sobre a renda das persoas físicas. Son membros computables da familia o solicitante, o pai e a nai, os irmáns solteiros e menores de vinte e cinco anos e que convivan no domicilio familiar a 31 de decembro de 2015 ou de maior idade, cando se trate de persoas con discapacidade, así como os ascendentes dos pais que xustifiquen a súa residencia no mesmo domicilio que os anteriores co certificado municipal correspondente. En caso de divorcio ou separación legal dos pais non se considerará membro computable aquel deles que non conviva co solicitante. Terá tamén a consideración de membro computable o novo cónxuge ou persoa unida por análoga relación, así as súas rendas incluiranse no cómputo da renda familiar.

Os membros da unidade familiar que presentaran declaración do imposto sobre a renda de 2015, a efectos de cálculo da renda per cápita familiar sumaranse a base imponible xeral e base imponible de aforro e o resultado dividirase entre os membros da unidade familiar

No caso de non presentar declaración, teranse en conta os ingresos netos de todos os membros computables da unidade familiar.

Para a concesión desta axuda, e sempre que o órgano competente para a súa adxudicación o estime oportuno, poderanse valorar as circunstancias de necesidade, xustificadas co preceptivo informe dos Servizos Sociais Municipais.

QUINTA.- Solicituds e prazo de presentación

As solicitudes para participar na convocatoria presentaranse nun prazo **15 días naturais** a contar desde o día seguinte ao da publicación das presentes bases a través do modelo Anexo I xunto coa documentación complementaria esixida na base sexta, no Rexistro Xeral do Concello de Silleda, en horario de luns a venres de 09:00 a 14:00 e sábados de 9:00 a 13:00.

SEXTA.- Anexo I, II e documentación obligatoria.

Os solicitantes deben presentar a súa instancia segundo modelo normalizado, á cal deberán achegar cos seguintes documentos:

1º.- Fotocopia do DNI do solicitante.

2º.- Fotocopia da matrícula do curso escolar en curso ou na súa falta certificado acreditativo expedido pola secretaría do centro.

Tratándose de alumnos que van matricularse trala convocatoria de setembro, bastará con que acompañen declaración xurada da súa intención de matricularse, debidamente subscrita polo alumno ou o seu representante legal, sendo necesario que antes do día 15 de decembro presenten fotocopia do resguardo da matrícula. En caso de non remitir o documento antes da referida data considerarase que o interesado desiste da súa solicitude.

3º.- Copia da renda familiar correspondente ao exercicio 2015.

4º.- No caso de non ter presentada a declaración da renda 2015, certificado expedido pola axencia tributaria de que non consta presentado a declaración do IRPF para o ano 2015.

5º.- Certificación bancaria tendo en conta que a conta corrente debe estar a nome do beneficiario da axuda ou, no seu caso, do tutor legal do mesmo.

SÉTIMA : Resolución e notificación.

A convocatoria estará condicionada á existencia de crédito orzamentario.

Á vista das solicitudes, a documentación presentada e a proposta de resolución, si concorren os requisitos esixidos e ata o límite do crédito existente na liña orzamentaria que corresponda, a Xunta de Goberno Local aprobará a acta provisional, a cal publicarase no taboleiro de anuncios do Concello de Silleda, tanto físico como electrónico na páxina web municipal, concedendo un prazo de 10 días naturais para presentar alegacións.

Examinadas as alegacións no seu caso, formularase a acta definitiva aprobada por Xunta de Goberno Local, que deberá expresar o solicitante ou relación de solicitantes para os que se propón a concesión da subvención, e a súa contía.

O prazo máximo para resolver será antes do 31 de decembro do antedito curso escolar, aprobado pola Xunta de Goberno Local. Transcorrido o prazo sen que recaía resolución, entenderase desestimada a solicitude de concesión de axuda, nos termos previstos no artigo 44 da Lei 30/1992, de 26 de novembro, de Régime Xurídico das Administracións Públicas e do Procedemento Administrativo Común.

ANEXO I

**SOLICITUDE DE AXUDAS PARA TRANSPORTE UNIVERSITARIO NA COMUNIDADE AUTÓNOMA
GALEGA CURSO 2016-17**

DATOS DO/A SOLICITANTE

NOME E APELIDOS

DNI _____ ENDEREZO_____

Nº _____ PISO _____ LOCALIDADE_____

Nº TELÉFONO E CORREO-E _____

IDADE _____ CURSO _____
CENTRO _____

DOCUMENTACIÓN QUE SE ACHEGA

- Renda da unidade familiar 2015, de non ter presentada declaración do IRPF Certificado expedido pola axencia tributaria de que non consta presentada a declaración do IRPF para o ano 2015
- Certificación bancaria, tendo en conta que a conta corrente debe estar a nome do beneficiario da axuda ou, no seu caso, do tutor legal do mesmo.
- Copia matrícula do curso escolar en curso ou na súa falta certificado acreditativo da matrícula
- Copia do DNI do solicitante
- Anexo II (autorización para que o Concello poida comprobar de oficio os datos do Padrón de habitantes)

Silleda de de 2016

Asdo.:

Os datos reseñados, estarán custodiados polo persoal do Concello de Silleda, conforme coa Lei Orgánica 15/1999 do 13 de decembro, de protección de datos de carácter persoal. A información adquirida ten por obxecto a adecuada organización e prestación das axudas.

ANEXO II

**AUTORIZACIÓN DA PERSOA SOLICITANTE PARA QUE O CONCELLO DE SILLEDA POIDA
RECATAR OS DATOS DO PADRÓN DE HABITANTES**

D./Dna.....

Con DNI número.....co motivo da solicitude de axudas para o transporte universitario na comunidade autónoma galega curso 2016-2017.

AUTORIZO ao Concello de Silleda para que comprobe de oficio os datos do Padrón de habitantes correspondente ao meu domicilio e solicitar, de ser necesario, o certificado de convivencia das persoas residentes pertencentes á unidade familiar.

Silleda,de.....de 2016.

Asdo.:"

2º.- AXUDAS COMPLEMENTARIAS PARA LIBROS DE TEXTO E MATERIAL ESCOLAR. CURSO 2016-2017

Á vista das normas polas que se rexerá as axudas complementarias dirixidas ás familias que precisan dunha protección especial, así como as que teñan a todos os seus membros en situación de desemprego, para libros de texto e material escolar, curso 2016-2017, elaboradas na Concellería de Benestar, Igualdade, Ensino e Sanidade e sen que pola Intervención municipal se formulen reparos ou observacións, a Xunta de Goberno Local, ao abeiro das atribucións delegadas polo Alcalde na resolución do 15 de xuño de 2015, pola unanimidade dos seus membros presentes, ACORDA aprobar as referidas normas e abrir o procedemento de solicitude e concesión das devanditas axudas.

Transcríbense:

NORMAS QUE REXERÁN AS AXUDAS COMPLEMENTARIAS DIRIXIDAS ÁS FAMILIAS, QUE PRECISAN DUNHA PROTECCIÓN ESPECIAL ASÍ COMO AS QUE TEÑÁN A TODOS OS SEUS MEMBROS EN SITUACIÓN DE DESEMPEGO, PARA LIBROS DE TEXTO E MATERIAL ESCOLAR CURSO 2016-17

1.- OBXECTO

Constitúe o obxecto das presentes bases, convocar as axudas do Concello de Silleda destinadas a completar o 100% do gasto de adquisición de libros de texto e material escolar de educación primaria e educación secundaria obligatoria en centros públicos, no curso escolar 2016/2017, para as familias que precisan dunha protección especial así como as que teñan a todos os seus membros en desemprego.

2.- GASTOS SUBVENCINABLES

Libros de texto e material escolar, fixado polo centro educativo, para o alumnado de centros públicos matriculados en educación primaria e educación secundaria obligatoria

3.- DESTINATARIOS

Unidades familiares con todos os seus membros en situación de desemprego, Familias que precisen de protección especial, segundo a Lei 3/2011 do 30 de xuño, de apoio á familia e a convivencia en Galicia, e Víctimas de violencia de xénero, con menores a cargo, escolarizados en centros de ensino públicos do termo municipal de Silleda, que vaian cursar estudos de ensinanza primaria e secundaria obligatoria, no curso 2016-17

4.- PARA TER ACCESO ÁS AXUDAS

Atoparse en algún dos seguintes supostos:

- a) *Familias que precisen de protección especial, segundo a Lei 3/2011 do 30 de xuño, de apoio á familia e a convivencia en Galicia, (numerosas, monoparentais, con persoas maiores ao cargo, con persoas con discapacidade ao cargo, con persoas dependentes ao cargo, acolledoras)*
- b) *Víctimas de violencia de xénero.*
- c) *Familias con todos os seus membros en situación de desemprego no momento de realizar a*

solicitud.

Cumprir os seguintes requisitos:

- d) *Ser pai, nai ou tutor/a legal do alumno/a matriculado/a en educación primaria, ou en educación secundaria obligatoria*
- e) *Estar empadroad/a e residir de xeito efectivo no Concello de Silleda e convivir cos menores para os que solicita a axuda.*
- f) *Que o/a alumno/a para quen se solicita a axuda teña a matrícula nalgún centro escolar público do Concello de Silleda, durante o curso escolar 2016-17*
- g) *Ter concedida a axuda de acordo coa ORDE do 27 de abril de 2016 pola que se regula a participación no fondo solidario de libros de texto e se convocan axudas para adquirir libros de texto e material escolar destinadas ao alumnado matriculado en educación primaria, educación secundaria obligatoria e educación especial en centros docentes sostidos con fondos públicos para o curso escolar 2016/17., DOG nº 92 de 16 de maio de 2016 da Xunta de Galicia*
- h) *Ter presentada declaración da renda do exercicio 2014, no caso de non estar obrigado a presentación, certificado expedido pola axencia tributaria de que non consta presentado a declaración do IRPF para o ano 2014.*
- i) *Para acreditar os datos relativos á unidade familiar, a persoa solicitante presta o seu consentimento para que o Concello poida comprobar de oficio os datos do Padrón de habitantes correspondente ao seu domicilio e solicitar, de ser necesario, o correspondente certificado de convivencia das persoas residentes pertencentes á unidade familiar.*

5.- LUGAR E PRAZO DE PRESENTACIÓN

As solicitudes, segundo modelo Anexo I, deberán presentarse no Rexistro Xeral do Concello de Silleda en horario de 9:00 a 14:00.

O prazo para presentar as solicitudes será de 15 días dende o día seguinte á publicación destas bases no sitio web do Concello de Silleda, www.silleda.es

5.- CONTÍA DAS AXUDAS

As achegas concederanse, por alumno/a, para complementar, a diferenza da axuda concedida pola Xunta de Galicia, ao abeiro da ORDE do 27 de abril, DOG núm. 92, do 16 de maio de 2016, ata o importe máximo do custo dos libros de texto.

Terán preferencia na concesión destas axudas locais, as solicitudes coas rendas per cápita mais baixas, atendéndose ata o total máximo da dispoñibilidade de crédito orzamentario.

Enténdese por renda per cápita o resultado de dividir a renda da unidade familiar do exercicio 2015 entre o número de membros que componen a unidade familiar.

A renda da unidade familiar será o resultado de sumar as rendas de cada un dos membros computables que obteñan ingresos de calquera natureza.

Cando presentase declaración do imposto sobre a renda das persoas físicas no exercicio 2015, sumarase a base imponible xeral (recadro 430) e a base imponible de aforro (recadro 445); cando non a presentase, sumaranse os ingresos netos obtidos durante o exercicio 2015

Aos efectos previstos nestas normas considerase que conforman a unidade familiar:

- o Os pais non separados legalmente nin divorciados, ou de ser o caso o tutor/a ou titulares do alumnado
- o Os fillos e fillas menores de idade, con excepción de los emancipados.
- o Os fillos e fillas maiores de idade con discapacidade física, psíquica o sensorial ou incapacitados xudicialmente, suxeitos á patria potestade prorrogada ou rehabilitada.
- o Os fillos e fillas solteiros menores de vintecinco anos e que convivan no domicilio familiar.
- o A persoa proxenitora separada legalmente ou divorciada, cando haxa custodia compartida.
- o A persoa que por novo matrimonio ou convivencia en situación de unión de feito ou análoga, viva no domicilio familiar coa persoa proxenitora do/a alumno/a.

Cando non exista vínculo matrimonial, a unidade familiar entenderase constituída polo pai, a nai e todos os descendentes que convivan con eles e que reúnan os requisitos do punto anterior. Esta situación deberá acreditarse documentalmente mediante o correspondente xustificante de empadroamento.

Nos casos de separación ou divorcio acreditarase mediante sentenza xudicial ou convenio regulador onde conste a custodia do/a menor

Non terá a consideración de membro computable:

- o A persoa proxenitora que non conviva co alumnado nos casos de separación legar ou divorcio, agás no caso de custodia compartida.

- o O agresor nos casos de violencia de xénero

6.- SOLICITUDES E DOCUMENTACIÓN

- a) As persoas que desexen optar ás axudas deberán presentar as solicitudes segundo o Anexo I. As instancias poderán obterse nas oficinas do Rrexistro Xeral do Concello de Silleda ou tamén descargarse do sitio web do concello no enderezo electrónico www.silleda.es
- b) Xunto coa solicitude, presentarase a seguinte documentación :
 - copia do vale concedido pola Xunta de Galicia
 - copia libro de familia
 - copia Renda da unidade familiar correspondente ao exercicio 2015
 - No caso de non ter presentada declaración da renda 2015 acreditación dos ingresos netos de todos os membros computables da unidade familiar
 - Copia do DNI do solicitante
 - Copia da demanda de emprego en vigor
 - Anexo II (autorización para que o Concello poida comprobar de oficio os datos do Padrón de habitantes)
 - Documentación acreditativa da situación de familia que mereza protección especial.

7. - TRAMITACIÓN DAS SOLICITUDES

Dende o departamento de Benestar emitirase a proposta da resolución provisional e correspóndelle ao órgano competente a resolución definitiva. As resoluciones definitivas serán comunicadas ás familias por correo postal certificado.

8.- OBRIGAS DAS PERSOAS BENEFICIARIAS

Son obrigas das persoas beneficiarias das axudas as seguintes:

- Realizar o gasto de acordo coa finalidade para a que se lle concedeu a axuda económica.

DISPONIBILIDADE ORZAMENTARIA

Para as subvencións incluídas na presente convocatoria, reservarase un crédito na aplicación orzamentaria 326.48 dos vixentes orzamentos do Concello de Silleda.”

E non habendo máis asuntos que tratar, polo Sr. Presidente levántase a sesión as trece horas e vinte minutos, extendéndose a presente acta, do que como secretario dou fe e certifíco.

Silleda, a 09 de Agosto de 2016

